

摘藻堂四庫全書薈要

史部

欽定四庫全書薈要卷七千九百九十

史部

硃批諭旨卷九十二

硃批馮允中奏摺

雍正五年二月十八日湖廣提督臣馮允中謹

奏為恭謝

天恩並陳地方情形事竊臣一介庸愚毫無知識蒙我
皇上天恩由偏裨歷陞提督慙惶感激日夕靡寧不知
將來何以圖報萬一除本年二月初一日到駐劄

魏經

常德日期已經

國之操守極當效法

除此一無可取處

爾受恩深

題

報在案現在勤加訓練

以振營伍整理塘汛

以弭

重非

伊可比若一味善柔屬員居官之優劣兵丁技藝

賊盜並行所屬各營務必實心實力舉行外查得

之踈

爛概置不問以邀和平寬厚恤下之譽如經朕聞

地方去歲水災蒙我

爾領

罪不起倘仍似從前縱盜養姦廢弛武備憲典具

皇上

加恩賑濟今已俱得所入春雨水調勻萬民樂業

在朕

不稍假勉之慎之

皆

聖主

至誠感召之所致也再楚南苗徭雜處間有不法

據奏

雨水調勻朕懷深慰但似此地方情勢須據實

生事其作何撫馭禁飭臣現在採訪會同督撫商

直陳

少加粉飾即涉欺隱斷乎不可誌之

酌施行乞於本年

皇上萬壽節前容臣單騎赴京隨在廷諸臣叩祝

聖壽無疆並將地方事宜備悉陳

奏為此具摺奏

聞伏乞

睿鑒謹

奏

赴京之行今歲不必

雍正五年六月十五日湖廣提督臣馮允中謹

奏為奏繳

硃批恭謝

天恩事竊臣一介庸愚仰蒙

皇恩深重擢至總兵提督叨此非常

寵榮雖肝腦塗地不能仰報萬一且於摺

奏內

御批訓示剴切詳明不啻耳提面命臣雖木石亦應感

悟惟有一一欽遵時加警惕如覲

天威於咫尺為此繕摺恭繳

硃批伏乞

睿鑒謹

奏

好勉為之務須言行相符以副朕望

同日又

奏為恭報拏獲搶犯解散饑衆情形事竊臣查常德

府所屬武陵龍陽沅江岳州府所屬安鄉華容等縣上歲偶被大水西成歉收感蒙

皇恩賜賑又復減額蠲租民各安生樂業不意今歲五

月內雨水過多江湖漫溢不但田禾淹沒沿湖民

居盡在水中米價騰貴全望商運之米來常糶賣

已有

旨矣

接濟突於五月二十八日米船不至臣正查詢

間三十日據常德遊擊董朝輔稟稱離城二百里

洞庭湖邊之茄子窖塘兵報稱該地方不知是何

姓名姦徒聚集多人於二十八九兩日各駕魚船
俱在水面遇有客商船隻盡行邀截搶奪卑職聞
報當即率領把總星飛前往查緝並移武陵縣帶
領捕役同往查拏為首搶犯撫諭聚集饑民等因
到臣臣一面飛移督撫一面委臣標遊守千把等
帶領兵丁乘坐常德水師營戰船八隻又飭常德
水師把總帶兵乘坐該營戰船四隻分頭巡查湖
畔以資彈壓不得令有饑民聚集再慮湖面廣濶

蘆葦茂密搶犯畏懼兵威或至潛逃他所為患隨

又嚴飭洞庭岳州澧州荊州等協營各於該管水

汛查緝前項搶犯務須淨盡不得養姦滋害在案

續據遊擊董朝輔等報稱聚集饑民官兵一至即

行奔散已經拏獲有贓人犯何大起等九十餘名

知縣陳沆現在究審又據洞庭岳州副叅等報稱

遍查水汛俱各寧靜並無搶犯潛避商旅現在通

行等情各到

臣

查姦棍何大起等在茄子宮嘯聚

知道

魚船邀截商旅為時雖止三日即行解散而臣身
了於此等處當防屬員之欺蔽為要

任全省地方遇此湖水氾漲不能防範未萌以致
瀆煩

天聽罪所難辭今謹將被水災民因饑起釁緣由獲犯
解散情形據實陳

奏臣再有

奏者查得武陵等縣高阜之鄉今歲禾稼較往歲滋
盛早者既實半黃中者穗齊結實晚者吐穗將齊

饑黎一月後俱可收獲貧民不致乏食一併陳明上慰
聖懷可望有秋朕懷深慰為此謹

奏

覽

同日又

奏為黔楚會拏兇苗情形仰祈

睿鑒事竊臣於抵任後查雍正四年十二月內有前任
提臣趙坤接准巡察湖廣黎致遠咨據士民呈稱

靖州界連黔省五開衛之謬沖花衣苗煙僅三四

十戶苗僅五六十丁倚山負險專事搶刦邊民受

害無所底止呈請撥兵擒拏以靖苗邊等緣由備

咨署督

臣

福敏酌奪在案茲於雍正五年三月內

經福敏移咨黔省督撫提臣遣發官兵並咨會到

臣

隨飭靖州協署印遊擊吳文帶領官兵三百

名會合黔省官兵堵禦協拏兇苗去後疊據署印

遊擊吳文新任靖州協副將黃賢呈報謬沖花苗

於閏三月二十四日攻破巢穴之後俱各畏威逃散今陸續拏獲兇苗並婦女苗孩共八十名交文員審訊至逃散兇苗現在多方搜緝俟盡獲另報等語經臣復為嚴飭該將等速行擒拏務盡根株並飛咨黔省督撫提臣一併緝拏除俟全獲之日仍聽督臣會疏

題報外所有臣據報拏獲兇苗數目理合繕摺奏

聞謹

奏

此事據署督臣福敏雲貴督臣鄂爾泰俱經奏過允苗之就獲全賴黔省兵弁之力也且爾所奏亦屬遲延

同日又

奏為請

旨事竊

臣

於雍正五年六月初二日接蒙兵部劄奉

旨楊凱人甚去得熟悉苗情交與湖廣總督提督遇有近苗地方叅將缺出題補如有內地叅將缺出將近

苗叅將不及不諳者調補一員其所調員缺即將楊

凱題補欽此該

臣

查得近苗地方並無叅將缺出止

有辰州地固近苗官係副將今該協副將魯嶼病

故

臣

現在會同督臣

題報其所遺員缺甚屬緊要可否即將楊凱以叅將

署理辰州協副將事務出自

皇上天恩

臣

不敢冒昧具

題為此繕摺請

旨如以越陞未便伏乞

皇上簡用賢能迅赴辰州邊苗重地以資彈壓其楊凱
俟有楚省近苗邊地叅將缺出

題請補用

臣

無任悚慄待

命之至懇乞

睿鑒謹

奏

已有旨諭部矣

雍正六年正月十六日湖廣提督署理陝西西大

通總兵官印務臣馮允中謹

奏為敬陳微臣自楚至陝並在西安前赴大通事竊

臣欽奉

諭旨署理陝西西大通總兵印務於雍正五年十月十

六日自常德府起程十二月十五日至陝西西安

府隨往會川陝督臣岳鍾琪言西大通總兵印信

尚未頒發又值隆冬嚴寒邊地更甚道路皆冰抽

撥兵馬難以搬移留臣暫住西安議令各兵於三

月初間春暖冰開起程前往庶免長途寒冷之苦

臣俟開印後擇日先赴西大通料理外理合繕摺

奏

聞伏乞

皇上睿鑒謹

奏

候春暖冰開之議甚是岳鍾琪亦經奏過今周開捷不

日進藏西寧總兵事務朕意亦欲命爾兼理兩處要任
竭力勉為之大通乃初設之鎮一切營伍規制兵丁生
計俱從茲創始務須悉心籌畫咸令允當得所永遠循
行無礙方為不負委任也勉之

雍正六年四月初二日湖廣提督署理陝西西大
通總兵官印務臣馮允中謹

奏為恭謝

天恩敬報微臣到任日期並陳地方情形仰祈

睿覽事竊臣欽奉

諭旨署理西大通總兵印務自楚起程至陝西西安府
各日期俱經摺

奏臣於二月初三日自西安起程三月初七日到西
大通新設總兵衙門恭設香案望

闕叩頭謝

恩署事訖伏查大通鎮標二營外另設二營在於白塔
川測爾兔二處其白塔川城池營房俱已修竣兵

馬亦俱到齊

臣

經過其地周圍巡視隨飭令該遊

擊張廷芝在緊要處所安設塘汛撥兵防守訖至
測爾免城池營房尚未動工西大通城雖修起城
門城壕城樓堞口俱尚未修營房亦未修完現在
修造俟告竣日另行具

奏原議裁撥肅涼鎮屬之永固張義鎮番洪水等營
堡馬步兵丁俱已到標尚有裁撥寧夏漢興鎮營
馬步兵丁現在移催亦不日可到矣臣在西安督

臣岳鍾琪對臣云測爾免城房未修原議撥之馬

步兵丁俟城房告竣秋後令其起程前往其西大通及白塔川原議撥之馬步兵丁俱令於三月起程前往夏季糧餉仍各在本營關領俟大通及白塔兵馬到齊掛領秋季糧餉臣思各兵不無家口一時不能同往夏季糧餉既先在本營關領除收拾行裝留贍家口外到營之日自是囊空篋洗將何度日因與督臣商定量借糧餉以為安頓兵馬

之需故臣於二月二十日到蘭州面會甘肅撫藩
將與督臣議過量借糧餉之事告知撫臣莽鵠立

所借

以現在備辦軍需兵糧無可預撥遂公同酌議馬

除俟

銀兩傳旨與該督撫於兵丁初到時不得即行扣
兵每名借領銀五兩步兵每名借領銀三兩分作
一年後再行按季扣還

三季領餉扣除還項暫撥糧一千石先供兵食俟

領餉找足臣隨調署大通鎮中軍遊擊王復到蘭

在藩庫共借領銀一萬八百八十兩令該遊擊帶

至大通將已到兵丁先行借給餘飭加謹收貯臣

勘大通地土寬濶可以開種但氣候寒冷已經立
夏早晨地尚凝凍因訪聞老農云欲種此地須於
秋天犁起來春用火燒燉其土經火則性不寒可
種臣到大通已是三月不及犁燒又一時買牛不
出止買數隻用騎騾搭配開犁將帶來之青稞燕
麥大豆豌豆麥穀等籽種在近城避風地方每色
先種少許試看何地何色收成俟秋收之後另行
具

奏外再多買牛隻犁鏵令各兵開犁來春燒燉播種
此乃

臣查巴里坤地方先亦寒冷難種仰賴

天

意何可期必

聖主福庇人煙聚集地氣回煖有種皆收今西大通同

在我

皇上堯天舜日之下諒亦如巴里坤漸漸回煖也臣又

似屬無理之論

查大通西北之老虎口東南之阿兒探打板正東
之東古城正南之迭兒吉打板地方僉係番夷人
等出入要隘臣俱酌撥馬步兵丁防守巡查不許

漢姦入內指稱貿易生事起釁以及各處應設塘
汛亦俱酌撥馬步兵丁防守訖又大通之東南由
白塔川至西寧計程雖止二百五十里奈中隔一
山即迭兒吉打板上下五十餘里不惟車運難通
即騾馬馱載亦須人扶臨到大通又隔大河此時
水淺處尚淹至馬腹則夏秋山水發漲之日尤為
難渡之見甚是與督撫臣酌定可知矣若造橋則河面寬濶需費浩大且河
水泛漲無定亦難搭橋惟有造船為便再要隘處

造船

所臣既設兵防守不許漢姦擅入番夷境內因議

設集場於城西平坦之地議定集期每月三次逢

派遣

須要得人

二日令各商販及番夷人等前來彼此交易臨期

臣遣官一員在集彈壓不許夷漢爭鬪前於三月

二十二日起集亦有百十餘人來集買賣矣此雖

臣為新設地方起見但是否應行未敢擅便是以

瑣屑具摺奏

聞伏乞

睿鑒謹

奏

覽所辦理殊屬可嘉之至但一切措置須事事與岳鍾琪商計而行方好倘有參差互異未免又費他日更張新設營鎮槩屬創舉必心存遠大之見始可為後人成規諸凡總宜詳慎為之

同日又

奏為敬陳大通接連三鎮營堡程途里數事竊

臣荷

蒙

皇上隆恩署理西大通總兵事務於到任之後查得大通之東南一百六十里至西寧鎮屬之北川營大通之東由東古城至仙密寺計程一百五里由仙密寺約有九十里至桌子山由仙密寺迤東約有二百里至涼州鎮屬之鎮羌營迤東北約有一百八十里至涼州鎮屬之張義堡迤南約有一百五十里至西寧鎮屬之威遠營大通之西北至老虎

口計程三十里由老虎口約有二百里至涼州鎮
屬之新城堡自老虎口至白水河計程三十里自
白水河由明海子沙金城獅子口一路至京陽嶺
計程八十里由京陽嶺約有二百里至涼州鎮屬
之高古城自京陽嶺至野馬川計程六十里由野
馬川約有一百六十里至肅州鎮屬之大馬營又
自野馬川由後哨口約有一百八十里至肅州鎮
屬之黑城營自野馬川由羊胸子至扁渡口計程

七十里由扁渡口約有六十里至肅州鎮屬之永
固營又自野馬川迤西由三角城至西水關計程
一百三十里由西水關約有一百五十里至肅州
鎮屬之洪水營此西大通與寧肅涼三鎮屬營堡
地接勢聯之情形也再臣親歷查勘各地方見老
虎溝口之山與沙金城之河灘俱有創它坑窟形
跡隨查問其由土人皆云其山內有銀沙河灘產
此事朕向亦聞之可令兵丁採取以資營伍之需否汝
金當日夷人住此偷它故其坑窟尚存臣即撥兵

其詳

審料酌再與岳鍾琪會商具奏
加謹防範仍不時差員前去巡查但事關地方臣

既聞知理合據實

奏明為此繕摺同地理圖一併奏

聞伏乞

睿鑒謹

奏

所奏知道了地圖留覽

雍正七年四月二十四日湖廣提督署陝西西大

通總兵官兼署西寧總兵官印務臣馮允中謹

奏為敬陳地方情形並派調出征官兵事竊臣蒙我
皇上隆恩命兼署西寧鎮印務今經一載夙夜冰兢惟
虞任重才疎有負

聖明委任至意伏查西寧去歲豐收今春米糧頗賤所
種麥豆青稞等項亦皆發苗惟自入夏以來雨水
缺少我

皇上軫念行伍不惜帑金頻

頒厚賞今西路用兵士卒人人思奮爭告出征西寧標路所派領兵副將二員遊擊二員守備三員係督

臣岳鍾琪派定照會到臣隨行令整備軍裝聽候

矣又承督臣照會令就標路選派千把總二十三

員馬兵一千四百名步兵九百名新募車兵六百

名臣俱選派妥帖將各兵行營應用一切軍裝等

項逐一驗齊全馬匹驗明臚分嚴飭加意餵養

仍責令將弁逐日操演技藝純熟聽候調遣外至

於馬步兵丁暨車兵所需皮帽皮衣等項亦查驗製造完備並無缺少再臣承督臣照會內開軍需駱駝一萬餘隻現在解送西寧口外牧放可派撥叅遊大員守備千把外委兵丁駝把什經理牧放等因臣隨照檄派撥叅將一員守備二員千把總五員外委十員駝把什五十名兵丁五百名聽候駝隻到日分起經理牧放以上一切辦理之處緣事關軍務理合繕摺奏

聞伏乞

皇上睿鑒謹

奏

覽奏俱悉朕意欲汝仍兼理兩鎮印務且不易人今督
臣岳鍾琪出塞遠征地方事宜勉力慎為之必一一預
籌著著機先於無事時圖維意外處防備方為不負朕
之倚任也倘至精神不及氣力不支毋得隱諱亦須即
為奏聞勉之勉之

硃批諭旨卷九十二

欽定四庫全書薈要卷七千九百九十一

史部

硃批諭旨卷九十三

硃批李燦奏摺

雍正七年四月十八日浙江黃巖總兵官

臣李燦

謹

奏為敬陳末議恭請

睿裁事竊

臣

山左武夫毫無知識荷蒙

皇上弘恩超擢溫州總兵任事未幾復奉

恩綸調鎮黃巖疊莅海疆益虞隕越舉凡剔除弊端振
刷營務悉與督提諸臣斟酌辦理不敢撫拾條陳

上瀆

天聽惟管見所及有關營伍巡防練習優恤事宜非蒙
我

皇上聖裁未能畫一謹摠愚忱敬為

皇上陳之一戰船之捕舵掟繚斗手什長宜分別軫恤
也一沿海陸路官兵之宜練習水務也一戰船水

兵之宜照額分補也一內洋船蓬之宜變通也以
上數條識慚蠡管語愧芻蕘如或臣言可採伏乞
皇上睿鑒施行謹

奏

所奏四條交督臣李衛提臣陳天培會同詳議奏聞

雍正七年九月二十四日浙江黃巖總兵官臣李

燦謹

奏為海洋寧靖年歲豐登仰祈

睿鑒事竊

臣

本年四月出洋巡歷所至海不揚波商漁

樂業今當秋汎

臣

於八月往南北內外洋面親巡

各汎官兵勤惰并遍歷島嶼有無宵小往來巡察

仰賴

皇上聖治宏敷海洋寧謐並無姦匪至

臣

所轄各協營

台州府之臨海黃巖太平寧海天台仙居等縣寧
波府之鄞縣慈谿奉化象山等縣地處山海士民
皆以務農為業早稻於七月初旬收割中稻於八

月登場晚稻現在刈穫今歲自春至秋雨暘時若
萬寶豐登收成實有十分白叟黃童咸歌大有此
皆

聖德涵濡上格

天心是以降此豐稔臣際此海宇清寧目覩人民懽樂深

為忻慶之至理合具摺奏

聞伏乞

皇上睿鑒謹

奏

覽奏海洋暨年歲情形朕懷深慰

雍正九年四月初六日江南崇明總兵官

臣

李燦

謹

奏為奏請

諭旨事竊

臣

荷蒙

聖恩調補崇明總兵官

臣

到任後凜遵

訓旨不敢懈弛三月以來於清查地方營伍戰船事務

加意經理以期仰報

皇恩於萬一伏查崇明四面環海為全省之藩籬實水

師之要衝現在

臣

屬各營遊擊守備等員俱年力

強壯辦事盡心惟於外洋船隻水務實少講究若

有熟諳船務之人逐漸指點

臣

再不時教導將來

自能通曉至於千把等官

臣

每於因公接見之時

委婉詢問聽其所答之言皆非諳練實不如浙閩

水師官兵之熟悉

臣

仰懇

聖主天恩將浙江三鎮水師千把揀選四員與臣標千

把對調俾隨船教習則崇明水師官兵漸次可期

熟諳而臣實收臂指之效矣再兵丁在船演練首

重火器查浙閩水師各營蓬索之外又有藥械銀

兩按年動撥公項支給專為出洋修製器械配合

火藥洗演戰船礮位之用是以各鎮官兵俱得就

船時常演放緩急便利查江省止有蓬索一項並

無藥械銀兩雖據四營將備稟稱自備仍係有名

無實臣又何敢隱諱不據實

奏明今器械一項已蒙

皇恩准給公糧以資修製而戰船洗放之火藥可否援
照浙閩之例撥動公項每年按出洋船隻交給俾
得洗演各礮以資利用實出

聖主天恩非臣所敢擅請也為此具摺奏
聞伏乞

皇上睿鑒施行謹

奏

所奏皆當言之督臣會商定議者

雍正九年十月初一日江南崇明總兵官臣李燦

謹

奏為海洋寧謐年歲豐登仰祈

睿鑒事竊臣荷蒙

皇上天恩調鎮崇明到任以來凜遵

聖訓整頓營伍操練兵丁朝夕兢兢不敢怠逸每逢將

備千把出巡內外海洋臣必親赴各船點驗礮械

扛具等項飭令加謹梭織遊巡不時督察以稽勤

惰仰賴

皇上政教宏敷德威遠播島嶼清寧並無宵小潛踪來

徃商漁各安生理茲當九月底巡期已滿外洋艚

船循例撤回而內洋之沙船臣仍照例飭令備弁

往來哨巡不許少懈其內外各沙陸汛每當收穫

之時臣俱撥備弁分段遊巡地方俱各寧謐至於

崇明本年夏秋以來雨暘時若所種禾稻木棉悉
皆茂盛今已刈獲收成實有九分黃童白叟共慶
大有臣覩此豐稔景象不勝歡慶之至理合具摺
奏

聞謹

奏

覽

今命爾署理浙江總督印務須當竭力黽勉諸凡加詳

加慎毋得率意徑行以為盡心効力也太過猶如不及酌中為之事事遵守李衛之成規辦理不可另立意見而欲炫長邀美於已勉之

雍正九年十月二十八日江南宗明總兵官

臣

李

燦謹

奏為微

臣

力小任大驚懼難安謹瀝下情叩請

聖訓事竊

臣

荷蒙

皇上洪恩著令暫署浙江總督印務接到部文感激惶

悚無地自容當經繕疏恭謝

天恩在案伏念

臣

一介武夫仰邀

聖主逾格超擢授以宗明總兵官自惟粗魯之質膺此
海洋重鎮已覺竭蹶不遑時切惴惴今總督之任
凡吏治民生之大綱選將練兵之要務一切經理
調度所繫非輕

臣

何人斯敢當重寄伏承

恩旨令督

臣

李衛詳加教導倣倣辦理但封疆機務均

關重大

臣

識見淺陋豈能因此識彼推類而行措

置一有失宜罪愆何以自逭聞

命以來徬徨驚懼刻難自安現在遵

旨於十月二十九日由崇明起程赴浙聽督臣李衛指

授外仰懇

皇上隆恩俯賜訓誨開導愚昧俾臣有所恪遵暫時黽

勉供職或免貽誤感戴

洪慈於生生世世矣為此繕摺奏請

聖訓伏乞

皇上睿鑒謹

奏

一一遵循李衛之所指授竭力勉為之為時無幾不過數月之間耳

雍正九年十二月初七日署理浙江總督印務崇

明總兵官

臣

李燦謹

奏為恭繳

硃批叩謝

天恩并陳地方情形仰祈

睿鑒事本年十一月初十日

臣

家人齎回

臣

恭奏宗明

海洋寧謐年歲情形原摺一件欽奉

硃批竊念

臣

以一介武夫叨蒙格外

隆恩暫署浙江總督印務自問知識魯鈍何堪膺此重

任感荷

天語教誨諄諄惟當敬遵

聖訓加詳加慎不敢率意孟浪妄立意見亦不敢推諉

因循貽誤地方一切事宜俱照總督

臣

李衛之成

規倣倣辦理竭盡愚誠以冀仰報

高深於萬一所有原奉

硃批奏摺理合恭繳

臣

於十一月十九日接印任事與

文武各官照常辦理地方俱甚寧靜再查各場竈

鹽旺產夏掣引目已經溢額八萬道現今冬掣築

運頗多將來配足正額之外大有贏溢

臣

已將杭

所擇期開掣復親詣嘉所照例掣驗容俟四所掣

畢之日將正餘各數另行具

奏又准署撫

臣

王國棟咨准戶部咨文荷蒙

皇恩俯念嘉興府屬之七縣并杭州府屬之海寧一縣
田禾間有蟲傷特沛

恩旨漕糧減價折徵署撫臣即會同

臣

出示遍行曉諭

宣布

皇仁一面檄飭徵漕各員遵

旨辦理再

臣

接據江南提標中軍叅將黃欽揭報部科

并江南督撫及

臣

署理衙門之文內稱松江城守

營遊擊馬勇志因借鹽務經費銀兩不遂挾仇於

伊叔新任署提督馬世龍到任之後唆聳陷害等

情

臣

查閱揭文有前提督王紹緒動用各營馬匹

草豆公糧截曠等項銀兩黃欽身任中軍不行阻

止聽其私取厥咎難辭所揭馬勇志各條亦屬一

面之辭未可遽信但馬勇志向日居官逢迎卑污

臣

前在崇明時已有所聞今彼此互訐應聽兩江

督臣查明

題叅續又准署理江南提臣馬世龍移送會稿以中

軍叅將黃欽營私科派侵蝕營中公銀等情會疏

糾叅各到

臣臣

因督臣

李衛蒙

皇上交辦下江督捕事務原有考覈軍政之責且所揭
款內涉有兩浙鹽務經費之事今臣蒙

恩暫署接辦不敢隱匿相應一併陳明伏乞

皇上睿鑒施行謹

奏

所奏知道了下江事務汝可不必兼管

雍正十年正月二十四日署理浙江總督印務崇

明總兵官

臣

李燦謹

奏為恭繳

硃批叩謝

天恩事雍正九年十二月初七日

臣

家人捧回

臣

恭請

聖訓一摺奉有

硃批本年正月十三日又據臣家人捧回臣恭繳

御批并陳地方情形一摺奉有

硃批伏念臣才識魯鈍荷蒙

皇上隆恩著臣署理浙江總督印務兼管鹽政捕盜幅

員遼濶心力難周任事以來實深悚懼仰沐

聖恩諄諄訓誨更荷

皇上格外矜全

諭臣不必兼管下江事務臣謹欽遵

諭旨將一切浙省督鹽事務效法李衛竭蹶辦理以冀

仰報

隆恩於萬一耳所有原奉

硃批奏摺理合恭繳伏乞

皇上睿鑒謹

奏

覽

切以粗率輕浮為戒凡百敬慎持重為之勇敢任事固

屬可取然須看得透認得真始宜見諸施行非可從外
像孟浪效法者於此當詳審毋忽

雍正十年三月初三日署理浙江總督印務崇明

總兵官

臣

李燦謹

奏為恭謝

聖訓事竊

臣

於雍正十年二月十八日接督

臣

李衛來

札內開雍正十年二月初一日面奉

上諭杭州各官正月初一日拜牌時向例鋪壇三條署

總督李燦因王國棟退縮在二班地上行禮李燦即親提璫子轉身遞與王國棟接取朝賀有關大典二人甚屬失體孫國璽在旁不敢入班且聞李燦署總督印務以來諸事急遽無序舉動多有未協之處王國棟軟弱游移可寄信去著實嚴加申飭欽此遵

旨寄信前來等因到

臣臣

跪讀

諭旨悚惶無地感激難名

臣

於正月初一日

朝賀之後遵照向例恭詣

聖因寺叩拜

聖祖仁皇帝龍牌時冒昧失體咎實難辭至於署理督篆
辦理一切事務未能從容展布以致急遽無序舉
動多有未協之處今蒙

天恩浩蕩不加重譴

命督臣李衛傳

旨嚴加申飭

聖德彌宏臣心益懼惟有凜遵

聖訓改革前非時時警惕朝夕不忘嗣後辦理舉動愈加詳慎以冀仰報

高深於萬一耳為此繕摺恭謝

聖訓伏乞

皇上睿鑒謹

奏

據奏警惕改革等語能改甚善但恐秉性難移耳

雍正十年八月二十一日署理浙江總督印務崇

明總兵官臣李燦謹

奏為奏明撥發義倉米石賑恤蕩竈仰祈

睿鑒事竊

臣

前據江南松江管理下沙頭二三場青村

場各場員稟報七月十六日陡遇風潮沿海居民

竈戶房屋竈舍衝壞人民溺斃等情

臣

即檄行鹽

道動支鹽務備公銀兩委員分往各場查勘酌量

軫恤當經具摺奏

聞仍一面飭令確查去後續據松江府南匯奉賢二縣

暨各場員具報蕩戶被颶風潮湧淹沒人口坍塌
房屋田禾俱被浸壞等情前來伏思煎竈人等

臣

已動備公銀兩先為軫恤并借給帑本修理竈舍
備辦煎鹽以濟冬掣至於蕩戶亦被潮災收成失
望口食無資亟當一體矜恤查江省督撫二臣現
在委員勘賑但念此蕩戶人等雖屬江省人民現
納浙江場課

臣

何敢以奉有仍回宗明之

恩命交代在邇觀望貽悞今

臣

已飭令鹽道撥動鹽義

倉米三千五百石飛委嘉松分司運往各場會同
各該縣查明被災戶口一體酌量賑給務使實在
窮丁咸沾惠澤如有不敷再行續發俾此沿海被
災煎竈蕩戶人等餬口有資不致流離失所以副
聖主軫恤災黎之至意為此繕摺

奏明伏乞

皇上睿鑒謹

奏

浙省種種災異蓋緣汝與王國棟皆係薄福小人見責於

天之所致汝等猶不自省自愧耶

硃批諭旨卷九十三

欽定四庫全書薈要卷七千九百九十二

史部

硃批諭旨卷九十四

硃批任國榮奏摺

雍正五年七月十一日四川重慶總兵官

臣任國

榮謹

奏恭請

皇上聖安竊

臣

至愚至賤叨蒙

天恩畀以總兵鉅任刻骨銘心感難言罄於閏三月二

十六日抵重慶隨訪地方風俗淳厚郊野牧寧兵
民和協皆感戴

皇上教養洪慈臣到任後即點驗所屬黔彭忠州二營

兵丁弓箭軟弱烏鎗生疎且前鎮臣并各營將備

等官向來各以長隨家人頂食名糧臣當即革退

現在親加教導務期衆兵技熟力強始堪效用所
有各營員弁業經輪調考過千把內有年老久病
弓馬不堪者已欽遵

諭旨沙汰及驗看額設盔甲旗幟軍裝等項因屢次出
師口外以致多有損缺查去年八月內前提臣周
瑛

奏准額定戰守空糧六十分為鎮標公費臣即將所

如此

甚好收夏季銀兩發給中營辦理已製備鐵盔一千頂

大小旗幟一百六十八桿其餘自可按季製備不

致誤公亦不致累兵再查各路原設有水塘並無
船隻臣已買快船一十九隻分發水塘兵丁撐駕

巡查另造大船三隻以備委員遊巡之用原設旱

塘之塘房煙墩哨樓等項廢缺甚多臣已飭該營

咨呈

該督撫酌行

移會有司脩整以資防守惟是火藥一項原未額

設向係鎗手自備不無苦累今按臣標下三營併

黔彭忠州二營共鳥鎗一千二百桿礮二十七位

每歲春秋兩季操演約需火藥九千八百五十餘

斤該銀三百四十餘兩臣

此非長計也

現在先行捐製分給應

操可否仰邀

皇恩俟有開除之缺陸續酌留戰糧八分守糧十二分

以為製備火藥之需伏候

應如是料理

聖裁永遠欽遵臣前曾面奉

諭旨命臣留心文武官員優劣臣自京由山陝入川一

路留心止聞山西太原府清源縣知縣周人龍人

明白操守好陝西漢鳳營叅將高攀桂錢糧清楚

將數

人總

叙摺內朕如何記注另摺開列奏聞可也

聲名好及抵重慶聞知府張光鏐人明白通判馬

世藻有操守巴縣知縣王繼曾人勤謹又近聞府

將數

人總

叙摺內朕如何記注另摺開列奏聞可也

是

屬西陽司土官冉元齡素性貪殘當即飛檄訓飭
現在密查如得劣蹟即與督臣提臣斟酌糾叅臣
標員弁弓馬稱職者固有生疎者亦有臣現今學
習再考又訪得重慶去歲米價止一兩三四錢不
等其市斗一斗較倉斗有二斗三升因本年自春
入夏楚省絡繹搬運曾賣至三兩令賴

聖主福庇雨水調勻田禾豐稔早穀已登米價已減至
一兩七錢將來晚穀一出自然更減嗣後如有應

行事宜容臣另摺具

奏再臣前曾面

奏出巡一事俟七月十五日開操後於八月中旬起程前往合併聲明伏乞

睿鑒批示謹

奏

嗣後再有奏聞須一事一摺以便朕逐件批諭

雍正五年十二月十三日四川重慶總兵官臣任

國榮謹

奏為奏

聞事竊

臣

看得重郡兵民聚處戶口實繁今見浙楚二

省買米差員接踵而至外販又運往下江絡繹不

絕人心徬徨紛紛環繞

臣

署肅愬

臣

隨與知府張

光鱗酌議令下江米販暫停搬運俟浙楚官米買

竣仍聽其便當即咨明督撫在案

臣

查川省固為

產米之區而重慶郡城則惟賴上江米客陸續販

來糶賣始得價平而食足自去冬浙省採買數萬石之後外省米商又源源運往下江以致今年春夏米價頻增每石竟賣至三兩幸秋收至今上米一石價銀二兩三錢中米二兩一錢糙米一兩五錢五分地方兵民恐搬運過多價值仍前騰貴買食維艱情詞迫切臣既咨明督撫應聽酌奪但臣身在地方目擊情形敢不上達

宸聰仰懇

聖裁為此具摺奏

聞謹

奏

米價情形憲德亦經奏過此全在地方大員相機因時
料理固不可過糴亦不可令販運過多地方皆朕幅員
百姓皆朕赤子惟一視同仁公平措置合於中道為是
今川省米價已至此數極當搏節與撫臣憲德商酌行
之

同日又

奏為冒昧陳奏事竊

臣

昨於遊巡之時查得右營汛

地內有塘田一十二處歷年給與塘兵經管除完糧外每歲共收租穀銀五十二兩有零名雖公用實無濟於營伍且

臣

訪聞此田時值千餘金現今

軍裝什物廢缺尚多以

臣

鄙見莫若將此田招民

頂接收價以製軍裝等項庶陋習不致久沿公務亦得早竣於營伍甚有裨益緣官土不敢因循理

合

奏明可否伏祈

聖裁倘蒙

此事當再加詳議或賣或留具本題明方可永遠遵行

俞允臣當飭營會同有司文明定價另為摺

非密奏了結之件

奏再署外左右向有店舖四間租出開舖又各城

門之旁共有空地一十九處租出蓋房每年共收

租銀六十餘兩以充修理大小衙舍之費此項伏

懇

聖恩此議可行准其照舊留為苦補各衙舍之資永為遵守庶免

滋弊臣謹具

奏伏乞

皇上睿鑒施行謹

奏

覽

同日又

奏為敬陳汎地情形仰祈

睿鑒事竊臣看得重屬地方遼濶連歸併有二十州縣
汎地臣已遵

旨於本年八月十六日起身將各路營汎及水陸各塘
躬親逐一勘明十月二十五日回重所有地理情
形併添設事宜敬為我

皇上陳之巴縣乃重郡首邑水陸交衝永川榮昌二縣
俱臨上省通衢一路有鎮店行人絡繹其歸併永
川之璧山縣與歸併榮昌之大足縣俱在深山寄

籍多於土著長壽縣濱臨大江亦通旱路墊江縣
在山內與長邑緊接均為協餉經由要道綦江縣
在重慶府東南綦江之上旱路通遵義府屬而至
黔省向為川販出沒之區彭水黔江二縣在重慶
府東南涪陵江之上水陸皆通山高灘險為楚民
及川販往來捷徑合州在重慶府西北為涪漢諸
水總匯之處且有歸併定遠一縣幅員袤廣落業
之楚民又多以上各汛稽察尤宜嚴密但查原設

水陸各塘止有兵丁二三名不等誠屬不敷臣隨

飭各該營每塘添足五名聯絡巡查庶有裨益其

涪忠二州江津酆都二縣原設之水陸各塘兵丁

俱足巡察無庸增添南川縣在萬山之中小路通

遵義府正安桐梓等州縣亦係川販由黔入蜀之

地歷來有汛無塘實為缺畧臣隨勘明路徑量設

三塘撥兵稽查銅梁縣亦在山內原與安居定遠

二邑歸併合州均係右營汛地當奉文復設縣治

以上之時適出師口外在在兵單故未設汛僅撥兵五
名措置俱是兵數添足若任其懈怠與不添無異時
加嚴察為要
關專汛未便再緩臣即於該營選拔把總一員帶

此兵二十名前往駐防併照地界坐塘其官署兵房
之費現諭直省者但實力遵行與否則在各該督撫耳
費現咨撫臣酌奪所有各路塘房煙墩哨樓向

係草蓋經撫臣檄令有司料理概用磚瓦以為堅

固長久之計其塘汛兵目臣飭令各該營將備每

月遊巡處處加嚴時時加意則匪類自無藏身之

所知又臣前聞外省民人搬家入川者甚多臣親

身逐處留心查訪在重屬居停者無幾亦俱面同
有司鄉甲取具田主房主併本人甘結暫留傭佃

好

資生在案理合一併奏

聞伏乞

睿鑒施行謹

奏

覽

雍正七年六月二十七日四川重慶總兵官臣任

國榮謹

奏恭請

皇上聖安竊臣於三月初三日抵裏塘後即將一切情

由具

奏在案所有達賴喇嘛於三月十五日坐禪念經起

彌月不出臣與副都統臣馬德臣鼎哥亦常去通

候至四月十五日圓滿坐牀進香者實繁有徒臣

等進見款洽尤殷總之自始至今啟齒便云感激
皇恩報答不盡具見悃誠且凡差人往藏搬取物件或
往爐採買食物俱令喇嘛來告臣知臣仰體
德意承順而行現今仰賴

洪庥僧俗相安兵民和輯儼然極樂之區更可奇者裏
極樂同屬好境但不可
少有疎懈若無樂極生悲之預防殆非永保極樂之道

也一切寧有備無患謀定機先方不致忙迫不致遲悞
止五月天氣似內地暮春光景土人所種青稞秀
敬慎為之

於往歲白叟黃童無不歡歌喜躍以為瑞應臣等

與各弁兵亦皆慶幸春生寒谷此皆由我

皇上恩光普照一視同仁之所至也但臣本庸愚自膺

防護之責兢兢業業如此方是切毋輕忽常懼有不周之處夙夜靡寧

伏懇

聖訓以便欽遵庶免隕越為此繕摺奏

聞謹

奏

覽

同日又

奏為遵

旨事竊臣前於

陛辭時面奉

諭旨令臣留心文武官聲名欽此除先將由山陝一路

入川以及遊巡之際所訪各員優劣經臣繕摺具

奏外臣復不時查訪隨處留心今將察實各員并恭

摺開具職名敬陳

睿鑒

謹慎

自守小材器

提督四川學政宋在詩於三月內到重考試生童

為人

老成才情未能個儻

公而且明聲名甚好

分巡川東道陸賜書辦事細心人去得

觀其人

甚有長進於引見時不似有病為何如此

分巡永寧道劉嵩齡人明白身子甚弱

原係

甚平常人且有孟浪多事之疵

永寧協副將張英聲名平常

其人

優劣前此未知

永寧協左營遊擊今調漳臘營遊擊張朝良操守

廉潔諳練營伍但不識字謹

奏

俱悉

同日又

奏為奏

聞事竊臣欽奉

上諭駐劄裏塘原以防護達賴喇嘛嗣於本年四月十

一日臣准提臣黃廷桂咨商督臣岳鍾琪委臣總

統進剿瞻對之官兵臣因此事在臣未到之前所

有起事緣由漢土官兵數目尚未深知不敢造次
隨行據各領兵官逐條開報前來臣復細加查察
看得瞻對深處萬山羊腸鳥道界連西海巴裏等
處地方設有安撫司一員側冷滾布管理番民久
沾

王化緣昨年巴裏二塘地界上有被賊番搶刦之各案
經督臣岳鍾琪派令護理化林協印務黎雅營遊
擊高奮志小河營守備吳鎮分路統兵查捕該遊

擊於六年十二月內由裏塘抵翁布中地界木納
中無憑無據以滾布為盜魁責差瓦述番目往調
滾布該遊擊於七年正月初十日軍次瞻對地界
占多十五日滾布到營投見該遊擊並不取一供
令其出營伺候十六日將滾布傳入使左右倒執
烏鎗劈頭打死其跟隨七人亦同時擊斃遲之數
日又去搗其巢穴以致震驚番衆顧命拒敵及被
官兵殺敗守死不出此實情也詎該遊擊報為滾

布屢調不出率兵赴營拒敵被擒斬首五子聲言
報仇赴營拒敵傷兵等情請兵援勦隨奉

欽差吏部尚書

臣

查郎阿督

臣

岳鍾琪先後派調守備

戴奕熊劉貴進勦靈卡石等處之小河營守備吳

鎮駐劄裏塘之疊溪營遊擊常力行各領兵到彼

即經滾布之子差人赴常力行營盤持信投誠復

央原供養之長蓋喇嘛至高奮志營內請降又據

滾布之母率數百餘人哭赴吳鎮行營投順且遣

伊家人切產奔

臣

行署哀鳴供情慘切并呈驗遊

擊高奮志於六年十一月二十九日所給番字牌
一紙上鈐化林協印信內譯出你差管家到我跟
前來送我禮物我若不收你的羞了你我都收了
你同我差官一齊來我還有話吩咐等字樣則是
滾布猶知差接猶知送禮猶知遵調親來固不為
抗逆即按各盜案内亦無滾布所管之人乃既死
於非命而負險傷兵之兇犯已當被官兵攻殺甚

多令伊老母幼子同衆土番又仰畏

天威紛紛歸誠恐後情有可矜

臣仰體

皇上好生之德一面密商督撫提臣一面宣布

天朝威德將滾布之家人切產等押回軍前令該將備

查明戶口定明部落造冊取結去後茲據該將備

辦理明白呈齎印信號紙冊結到

臣經臣

覆核無

異及查側冷滾布既故其安撫司印信例應長子
班滾汪札納登承襲另行換給號紙以便管理地

方約束番民照例貢馬一體當差再查去歲巴裏
二塘所報被刦賞需軍糧塘馬客貨三起除已經
該將備勦撫完結外惟桑昂邦一處因守備吳鎮
調來瞻對故未清理臣已令該備回兵前去完結
剋期可竣現今巴裏二塘地方寧謐無庸大兵久
駐邊隅是以臣將陝兵六百名先行撤回陝省餘
俟桑昂邦事定一併撤回以免糜費所有瞻對歸
順各緣由理合具摺奏

聞伏乞

皇上睿鑒施行謹

奏

將遊擊高奮志捏報各情由嚴察明確一一據實叅奏
至善後事宜務期布置妥協毋得只圖目前了局草率
料理不能使兇番洗心革面致日後復有蠢動則汝領
罪不起竭力與督提二臣共秉公忠商酌辦理可也凡
如此等事件稍偏善柔將就及涉欺隱斷乎不可慎之

特諭

雍正七年八月十八日四川重慶總兵官臣任國

榮謹

奏恭請

皇上聖安叩祝

萬壽聖節欽惟我

皇上功叅覆載德邁勲華

御極以來凡為天下久安長治計者無一時不上履

宸衷無一事不仰煩

睿慮薄海內外凡有血氣者無不均沾

教養共深愛戴矣此皆由

皇上至誠彌健參贊

上天公溥之心

純孝孔昭擴充

若以婦人女子見解專將寬宏二字稱頌

列祖寬宏之政所致也

臣本庸愚謬膺重寄每慚報稱甚

列祖

之政則大悞矣

難幸際

列

天

祖之政一惟契合
熙朝得與問閭雞犬共樂昇平但遙隔

心裁者培之傾者覆之而已寧有他哉偏於存心寬宏

天顏已逾三載葵藿微忱彌切肺腑今恭逢

者非詐偽姦巧之流即法儒庸愚之輩凡治天下之道

聖誕普天同慶臣因汎守邊方弗克振趨與在廷諸臣

不外一中字但確秉大公之心賞善懲惡仁育義正方

可與言政體豈汝等凡夫俗子卑淺管見所能測度者

闕焚香叩祝夙夜靡寧虔率所在官弁兵丁望

何得率據胸臆妄論

萬壽無疆臣惟仰體

列祖之聖德神功耶

聖心勉竭愚忠努力以圖報效

報效二字非奸行小惠具婦人之仁循私譽而廢公誼

洪恩於萬一耳臣謹具

者所能也奏伏乞知之勉之

睿鑒謹

奏

覽

同日又

奏為奏

聞事竊臣查得昨歲巴塘所屬大朔奔义木元根地界

被刦軍糧塘馬九月內奉督臣岳鍾琪飭委小河

營守備吳鎮帶領漢土各兵進剿靈卡石駕英邦
桑昂邦等處賊番除靈卡駕英俱經剿滅因該守
備吳鎮調赴瞻營以致未將桑昂邦清理至六月
內瞻對歸誠事竣臣隨令該備仍同提標守備劉
貴統領兵弁前往清理去後令據該備等呈稱職
等奉文前進帶兵直抵桑昂邦總匯地名蒼抵所
有官兵經過地方沿途番目俱離巢遠迎先後赴
營投見預備各兵柴草甚為恭順復將各番目白

馬奪吉等逐一研訊俱稱桑昂邦是總地名有十四處我們各住一個地方山深路窄出入不便前蒙岳大人差官進來招撫後並未出來作盜那作盜的是靈卡駕英人都被官兵殺了我們正喜歡忽聽得官兵進來我們很害怕故出來投誠求饒我們的命照舊當差納賦供情懇切且案查行劫軍糧塘馬並無確據今見官兵深入紛紛離巢歸順似此情形若使乘便誅戮非特衆心不服抑且

上違

聖主好生之德隨經守備等選差外委及通事人等分
頭進彼巢穴查造戶口冊併取各結亦一一遵依
但彼地方遼濶煙戶零星倘不量其遠近分別管
轄則恐漫無約束猶非善後之圖今查十四處內
有附近巴塘者即交巴塘土官管理附近乍了者
即交乍了胡土圖管理附近官角者即交官角謀
巴管理俱照舊額當差納賦取有保結在案除將

發回各番目飭令仍安住牧傳諭衆番永遵法守
外合將完結緣由併各項冊結呈齎察核等情到
臣又據該番目白馬奪吉等不憚千里之遙赴
行署哀鳴經臣覆訊供情無異臣即宣揚

皇上德威明白告誡給賞回巢各安住牧訖惟是彼中
地界紛繁煙戶零星若不乘此嚴定管轄難以善
後應如該備等所議就近分管責成加意稽查約
束照舊當差納賦永為遵守隨預咨督撫提臣酌

定所有軍前漢土官兵為時甚久臣已先將謀格

乍了巴塘土兵悉令回家以省糜費其餘漢土兵

丁併遊擊常力行所領駐防各兵應次第撤回裏

塘酌量留駐回汛免致稽延除臣一併咨明督撫

提臣外為此繕摺奏

聞伏乞

睿鑒施行謹

奏

覽奏知道了凡如此等番夷情事務須徹底料理妥協萬不可苟且將就完結致貽後患誌之

同日又

奏為恭謝

天恩事竊惟臣本庸愚前以遊擊微員仰蒙

皇上天恩超拔洊至總兵及

陞辭時又奉

旨將臣子任世傑任世英引

見發巡捕營當差以千總補用俾臣父子三人一時均

沐

隆恩實逾常格舉家頂戴靡涯不期臣子世英無福早

逝僅有臣長子世傑在營當差行走臣不時寄書

教誡今據臣子世傑家信得悉已於四月內補授

巡捕營東南一千總臣曷勝感激涕零隨恭設香

案望

闕叩頭謝

恩外所有微臣銜感私衷理合具摺恭謝

天恩伏乞

睿鑒謹

奏

教誡汝子世傑當勗伊奉公除私任勞任怨莫為假君子莫做真小人若於此處能領會一二將來可望成人

雍正八年九月初一日四川重慶總兵官臣任國

榮謹

奏為奏

聞事竊臣前查所屬地方情形業經繕摺

奏明臣念各汛緊要不敢怠忽復差幹員分路遍查

今查得重慶各州縣士民俱安耕讀各塘汛弁兵亦咸遵法守實力稽查匪類四野教寧再查各州縣所種田禾原有早晚二種但種早禾者不過十分中之一二得雨雖遲亦有五六分收成其所種晚禾田水霑足處處皆熟且四鄉播種雜糧頗廣

甚為茂盛現今郡城米價上米每石一兩七錢中
米一兩六錢下米一兩四錢各州縣城市鄉村總
與郡城價值不甚懸殊為此繕摺奏

聞伏乞

皇上睿鑒謹

奏

覽奏俱悉

汝之才情併供職處均甚屬平常當更加勉勵若一味

潔身是務必致汚已而後已恐非自益之道凡數次差
委皆不副朕望汝之意慎之勉之

雍正八年十一月二十五日四川重慶總兵官

臣

任國榮謹

奏為奏

聞事竊臣於本年九月二十七日准提臣黃廷桂咨開

內稱烏夷悖叛變起倉卒大肆鴟張現在三省派
撥官兵會勦查川省先後所派漢土官兵已計四

千三百餘員名若無大員就近節制調度殊非所
宜是以本提督與撫都院會商移咨貴鎮即速量
帶人役星赴敘府駐劄以便居中節制統聽雲貴
督部院調遣事關軍機幸勿延緩等因到臣臣即
於二十八日酌帶弁兵一百餘員名兼程前往於
十月初八日抵敘州府隨將提臣先後派遣應援
烏鎮三路漢土官弁兵丁催令各照指定路數小
心防範兼程前進所有官兵分路進剿沿途擊斬

賊夷之處

臣

因辦理伊始不敢遽行瀆

奏昨准提臣咨移令

臣

將一切官兵案件交代川北

鎮

臣

張玉料理等因而鎮

臣

張玉於十一月二十

三日到敘

臣

已於二十四日詳細交代訖伏念

臣

本愚賤疊受

天恩即捐糜頂踵亦不足仰報

高厚於萬一茲值用兵正

臣

效力之時但

臣

才識短淺

自駐敘月餘兢兢業業竭力殫心敬慎辦理實愧

毫無報稱惟仰仗

天威暨雲貴督臣四川提臣指示周詳俾臣得以遵行

無悞今雖交代寢食難安既准提臣咨會不敢遲

違隨於十一月二十五日仍率原帶弁兵回汛臣

惟頂戴

聖明整飭營伍保固地方勉盡臣之職守已耳為此具

摺奏


聞伏乞

皇上睿鑒謹

奏

慚愧尚且不知洵屬無用之物

硃批諭旨卷九十四



總校官庶吉士臣侍朝

校對官編修臣莫瞻菴

膳錄監生臣江潮